

Broj: 03-04-1083-7/21  
Sarajevo, 20.09.2021. godine

PARLAMENT FEDERACIJE BOSNE I HERCEGOVINE

Dom naroda

n/p gosp. Zvonki Mariću, izaslaniku  
n/p gosp. Izmiru Hadžiavdiću, tajniku

Босна и Херцеговина  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 21-09-2021			
Org. jed.	Broj	Priloga	Vrijednost
05/2	-02-	283	/21

Predmet: Odgovor na izaslaničko pitanje

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), u privitku Vam dostavljam akt Zavoda za javno zdravstvo Federacije Bosne i Hercegovine, broj: S-02-02-1-1385-1/21 od 15. rujna 2021. godine, koji se odnosi na izaslaničko pitanje, koje je postavio izaslanik Zvonko Marić.

S poštovanjem,



Privitak: kao u tekstu



# ZAVOD ZA JAVNO ZDRAVSTVO FBiH INSTITUTE FOR PUBLIC HEALTH FB&H

Broj: S-02-02-1-1385-1/21  
Datum, 15.09.2021.g.

BOSNA I HERCEGOVINA  
FEDERACIJA BOSNE I HERCEGOVINE  
VLADA  
n/r mr.sc Edita Kalajdžić, sekretar

8306  
BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

17-9-2021

Preporuka:			
Dr. dr. sc. M. Šešelj	Klasifikacione znakove	Pad znač	
03-04-	1083-7/2021		

**Predmet:** Odgovor na poslaničko pitanje poslanika Zvonka Marića

**Veza:** Vaš dopis broj 03-04-1083-7/21 od 10.09.2021.g.

Poštovana,

Vezano za Vaš upit proslijedujemo Vam odgovor vezano za poslaničko pitanje poslanika Zvonka Marića:

Putem izravne nabavke, do kraja osmog mjeseca 2021. godine u Federaciji BiH nabavljeno je ukupno 718.510 doza cjepiva protiv COVID-19. Od toga, 500.000 doza nabavljeno je od kompanije Sinopharm i 218.510 doza putem COVAX mehanizma (очекujemo isporuku još 581.490 doza). Do navedenog datuma, uzimajući u obzir i donacije i EU4HEALTH mehanizam, ukupno je Zavod za javno zdravstvo FBiH zaprimio 1.655.074 doza cjepiva protiv COVID-19.

Do 12.9.2021. godine, administrirano je 623.900 doza cjepiva protiv COVID-19. Od čega je 395.553 dato kao prva doza, a 228.347 dato kao druga doza cjepiva.

Javnozdravstvene i društvene mjere se u Federaciji BiH primjenjuje od početka pandemije, kako bi se smanjio prijenos SARS-CoV-2 i smanjio morbiditet i mortalitet od COVID-19. To uključuje osobne zaštitne mjere, okolišne mjere, mjere nadzora i odgovora, mjere fizičkog distanciranja i mjere vezane za međunarodna putovanja. U izradi stručnih smjernica za njihovu primjenu značajnu ulogu imao je Zavod za javno zdravstvo Federacije BiH.

Vezano za međunarodna putovanja, jedna od preporuka Kriznog stožera Federalnog ministarstva zdravstva građanima Bosne i Hercegovine je da se ne putuje u zemlje u kojima je prisutan visok prijenos COVID-19. Pred sezonom godišnjih odmora 2021. pripremljeni su i promotivno-edukativni materijali „Odgovorno tokom ljeta“, u suradnji sa partnerskim institucijama.

## **Aktivnosti Zavoda za javno zdravstvo Federacije BiH na promociji vakcinacije protiv COVID-19**

Od početka pandemije COVID-19 značajan dio komunikacije sa javnošću Zavoda za javno zdravstvo Federacije BiH predstavlja suradnja sa medijima i diseminacija naučno i stručno utemeljenih informacija vezanih za mehanizam nadzora i kontrole pandemije COVID-19 i mjere zaštite zdravlja svih građana.

Svjesni činjenice da je cijepljenje protiv COVID – 19 najučinkovitiji način za kontrolu i zaustavljanje pandemije koja ugrožava ljudske živote, opterećuje zdravstvene sustave, ostavlja velike ekonomске posljedice i onemogućava odvijanje normalnog života, od početka 2020. god. od strane Zavoda za javno zdravstvo Federacije BiH u suradnji sa Federalnim ministarstvom zdravstva, realiziran je značajan broj edukativno - informativnih aktivnosti u okviru kampanje za promociju cijepljenja protiv COVID – 19 pod sloganom „Zbog onih koje voliš #vakcinedjeluju“. (dostupno na : <https://www.zzzfbih.ba/zbog-onih-koje-volis> )

Nakon pripreme Plana za vakcinaciju protiv COVID-19 koji je urađen od strane Zavoda za javno zdravstvo Federacije BiH , isti je usvojen od strane Vlade Federacije FBiH u januaru 2021. god., nakon čega je uslijedilo formiranje Tima za komunikaciju sastavljenog od predstavnika Zavoda za javno zdravstvo Federacije BiH i Federalnog ministarstva zdravstva.

Od strane Tima za komunikaciju, urađen je Krizni komunikacijski plan koji je definirao prioritetne skupine, vrstu poruka i komunikacione kanale vezane za promociju vakcinacije protiv COVID-19.

Koristeći smjernice dobre prakse SZO, od strane Tima za komunikaciju pripremljen je veći broj stručnih i tehničkih materijala vezanih za vrstu vakcina protiv COVID-19, sastav, mehanizam djelovanja i očekivane reakcije nakon vakcinisanja, koji su distribuirani prema kantonalnim zavodima za javno zdravstvo.

Uz podršku kancelarije UNICEF-a u BiH urađena je priprema i štampanje preko 6000 postera na temu prioritenih skupina za vakcinaciju, značaja vakcinacije i očekivane reakcije nakon vakcinisanja i distribucija prema kantonalnim zavodima za javno zdravstvo.

Podrškom kancelarije UNICEF-a u BiH, u toku je štampanje nove serije većeg broja promotivnih letaka i postera na temu promocije vakcinacije protiv COVID-19 koji će Zavod za javno zdravstvo Federacije BiH distribuirati prema domovima zdravlja, kliničkim centrima, bolnicama i strukovnim komorama u zdravstvu u Federaciji BiH.

Zavod za javno zdravstvo Federacije BiH organizirao je više edukacija za zdravstvene radnike na temu značaja vakcinacije protiv COVID-19 i podrške u operativnim pripremama za organizaciju vakcinacije na nivou kantona.

Osigurano je gostovanja većeg broja zdravstvenih radnika u sredstvima medija a svakodnevno se od strane Zavoda za javno zdravstvo pripremaju prilozi za medije i odgovori na tematske upite.

Urađen je redizajn web stranice ZJZZFBIH, pokrenut youtube, a facebook i instagram kampanje su u izradi.


Pripremljeno je 20 video spotova, 25 telopa sa zdravstvenim radnicima i preko 70 telopa sa istaknutim javnim ličnostima dostupno na : <https://www.zjjzfbih.ba/zbog-onih-koje-volis> ) koji se trenutno emitiraju na FTV, KTV Sarajavo, TV Tuzlanskog kantona. Takoder, emitiranje promotivnih materijala kampanje se trenutno vrši putem LCD projekcija u Mepas Mall Mostar, SKB Mostar, UKC Tuzla a u pregovorima smo sa i za druge lokacije.

S ciljem vidljivije promocije kampanje „Zbog onih koje voliš #vakcinedjeluju“ Zavod za javno zdravstvo Federacije BiH je dana 08.09.2021. god. održao radni sastanak sa predstvincima javnih emitera u BiH kojem su prisustvovali i predstavnici Federalnog ministarstva zdravstva i Vlade Federacije BiH . Predstavnici medija su izrazili interesovanje za uključenje u emitiranje promotivnih materijala Zavoda na temu promocije vakcinacije protiv COVID-19 a od strane Zavoda za javno zdravstvo Federacije BiH će biti dostavljene promotivne materijale kako bi iste i počeli emitirati.

Zavod za javno zdravstvo Federacije BiH organizira radni sastanak sa predstvincima privatnih radio i TV medija i portala koji je planiran za dan 20.09.2021. god. i na kojem će prisustovati i predstavnici Federalnog ministarstva zdravstva i Vlade Federacije BiH.

Takoder, Zavod za javno zdravstvo Federacije BiH je dana 01.09.2021. god. potpisao sporazum o suradnji sa Crvenim križom Federacije BiH sa ciljem unaprijeđenja suradnje vezane za pandemiju COVID-19 sa fokusom na pripremu promotivnih materijala, edukaciju i informiranje građana o značaju vakcinacije protiv COVID-19, te aktivnostima podrške na vakinalnim punktovima u Federaciji BiH.

S poštovanjem,



V.D. DIREKTORA

Mr.sc. Siniša Skočibušić, dr. med.